

**ՀԻՄՆԱԴՐԱՄՆԵՐԻ ԿՈՂՄԻՑ ՀՐԱՊԱՐԱԿՎՈՂ ՀԱՇՎԵՏՎՈՒԹՅԱՆ
ՀԱՍՏԱՏՎԱԾ Է
Հիմնադրամի հոգաբարձուների
խորհրդի 31-05-2025 թ. որոշմամբ
«ԹՈՒՖԵՆԿՅԱՆ ԲԱՐԵԳՈՐԾԱԿԱՆ ՀԻՄՆԱԴՐԱՄ»
Հ Ա Շ Վ Ե Տ Վ ՈՒ Թ Յ ՈՒ Ն
հիմնադրամի 2024 թ. գործունեության մասին**

1. Հիմնադրամի՝		
1.1 Լրիվ անվանումը	ԹՈՒՖԵՆԿՅԱՆ ԲԱՐԵԳՈՐԾԱԿԱՆ ՀԻՄՆԱԴՐԱՄ	
1.2 Գտնվելու վայրը	ԵՐԵՎԱՆ ԿԵՆՏՐՈՆ ԿԵՆՏՐՈՆ ԹԱՂԱՄԱՍ ԹՈՒՄԱՆՅԱՆ 21/1-5 Ճկա	
1.3 Պետական գրանցման համարը	222.160.00252	
1.4 Պետական գրանցման տարին, ամիսը, ամսաթիվը	2003-12-24	
1.5 ՀՎՀՀ-ն	02570903	
1.6 Հեռախոսը (այդ թվում՝ բջջային)	+(374)97269726	
1.7 Պաշտոնական ինտերնետային կայքը	tufenkian.org	
1.8 Էլեկտրոնային փոստը	armine@tufenkian.org	
2. Հիմնադրի անուն, ազգանուն կամ անվանում՝		
Թուֆենկյան ֆաունդեյշն ինկ		
3. Հոգաբարձուների խորհրդի անդամների անուն, ազգանուն՝		
Ջեյմս Ֆրենսիս Թուֆենկյան		
Ջոն Անտրանիզ Կասբարյան		
Հակոբ Հակոբյան		
4. Կառավարչի անուն, ազգանուն՝		
Գրիգոր Պետեան		
5. Աշխատակազմում ընդգրկված անձանց քանակը	9	
6. Անձեռնմխելի կապիտալի չափը		
7. Անձեռնմխելի կապիտալի կառավարումից ստացված եկամուտ		
8. Ֆինանսավորման աղբյուրները՝		
8.1 Ֆինանսավորումն ըստ խմբերի	8.2 Ստացված ֆինանսական միջոցների նպատակը	8.3 Չափը
8.1.1 Պետական և համայնքային բյուջեներից դրամական մուտքեր		
8.1.2 Իրավաբանական անձանցից դրամական մուտքեր		
	բարեգործական ծրագրեր	249,583,412
8.1.3 Ֆիզիկական անձանցից դրամական մուտքեր		
9. Հիմնադրի ներդրումը՝		

9.1 Դրամական միջոցներ		
9.2 Գույք	9.2.1 Տեսակը	9.2.2 Արժեքը
10. Նվիրատվություններ/ նվիրաբերություններ		
10.1 Նվիրատուները/նվիրաբերողներն ըստ խմբերի՝	10.2 Նվիրված/նվիրաբերված գույք	
	10.2.1 Տեսակը	10.2.2 Արժեքը
10.1.1 Հայաստանի Հանրապետություն/համայնքներ		
10.1.2 Իրավաբանական անձինք		
10.1.3 Ֆիզիկական անձինք		
11. Իրականացված ծրագրերը՝		
11.1 Ծրագրի անվանումը	11.2 Ծախսված գումարը	
«Ընտանիք և համայնք» սոցիալ-կրթական ծրագիր	87,929,763	
Հանքարդյունաբերորեն սղորդյալ բարեփոխումների մշակում	34,625,125	
Լրատվական հարթակի զարգացում	35,094,669	
Առաջնային օգնություն ԼՂ-ից բռնի տեղահանվածներին	30,515,780	
Սյունիքում գյուղատնտեսության զարգացում	31,300,506	
Սվարանց գյուղի ջրագծի հիմնանորոգում	13,487,582	
Կրթական ծրագիր	12,696,068	
Սյունիքի սոցիալական զարգացման ծրագիր	11,977,846	
Սվարանց գյուղում տների շինարարություն	7,348,492	
Սյունիքում մշակութային ծրագիր	4,391,639	
Բնապահպանություն և ծառատունկ	501,715	
12. Ֆինանսական տարում օգտագործված միջոցների ընդհանուր չափը	294,448,532	
13. Կանոնադրական նպատակների իրականացմանն ուղղված ծախսերի չափը	269,869,185	

Նշումներ՝

Ֆինանսական հաշվետվություններն ու ֆինանսական հաշվետվությունների վերաբերյալ աուդիտն իրականացնող անձի (աուդիտորի) եզրակացությունը՝ 21 էջերից:
 էջերի քանակը

Հիմնադրամի տնօրեն _____
 ստորագրությունը, անունը, ազգանունը

Գլխավոր հաշվապահ _____
ստորագրությունը, անունը, ազգանունը

**Թուֆենկյան բարեգործական հիմնադրամ
Տարեկան ֆինանսական հաշվետվություններ
2024թ. դեկտեմբերի 31-ին ավարտված տարվա համար**

Բովանդակություն

- 1 Հոգաբարձուների խորհրդի կազմը 2024թ. դեկտեմբերի 31-ի դրությամբ
 - 2 Անկախ աուդիտորի եզրակացություն
 - 3 Եկամտի և ծախսի և զուտ ակտիվներում փոփոխությունների մասին հաշվետվություն
 - 4 Ֆինանսական վիճակի մասին հաշվետվություն
 - 5 Դրամական միջոցների հոսքերի մասին հաշվետվություն
 - 6 Ֆինանսական հաշվետվությունների մաս կազմող ծանոթագրություններ
-

**Հոգաբարձուների խորհրդի կազմը
2024թ. դեկտեմբերի 31-ի դրությամբ**

1. Խորհրդի նախագահ՝ Զեյնա Ֆ. Թուֆենկյան
2. Խորհրդի անդամ՝ Հակոբ Հակոբյան
3. Խորհրդի անդամ՝ Զոն Անտրանիզ Կասրաբյան



ԶԻ ԷՄ ՔՈՆՍԱԼԹ ՍՊԸ

Աուդիտորական և խորհրդատվական ընկերություն

Էլ. հասցե՝ consultgmlc@gmail.com, վեբ կայք՝ www.gmconsult.am, հեռ.՝ +37441451172

ԱՆԿԱՆ ԱՌՈՂԻՏՈՐԱԿԱՆ ԵԶՐԱԿԱՅՈՒԹՅՈՒՆ

ԹՈՒՖԵՆԿԱՆ ԲԱՐԵԳՈՐԾԱԿԱՆ ՀԻՄՆԱԴՐԱՄԻ ՀՈԳԱԲԱՐՁՈՒՆԵՐԻ ԽՈՐՀՐԴԻՆ

ԿԱՐԾԻՔ

Մեր կողմից իրականացվել է Թուֆենկյան բարեգործական հիմնադրամի (այսուհետ՝ Հիմնադրամ) ֆինանսական հաշվետվությունների աուդիտը, ընդ որում այդ հաշվետվությունները ներառում են 2024թ.-ի դեկտեմբերի 31-ի դրությամբ եկամտի և ծախսի և զուտ ակտիվներում փոփոխությունների մասին հաշվետվությունը, նույն ամսաթվին ավարտված տարվա ֆինանսական վիճակի մասին հաշվետվությունը, դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, որոնք ներառում են հաշվապահական հաշվառման քաղաքականությունը:

Մեր կարծիքով, կից ֆինանսական հաշվետվությունները տալիս են Հիմնադրամի՝ 2024թ.-ի դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն ֆինանսական հաշվետվությունների միջազգային ստանդարտների (ՖՀՄՍ-ներ):

ԿԱՐԾԻՔԻ ՀԻՄՔԵՐ

Մենք աուդիտն իրականացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Անկախ ենք Հիմնադրամից՝ համաձայն Հաշվապահների միջազգային դաշնության պրոֆեսիոնալ հաշվապահների վարքագրի (ՀՄԴ-ի Վարքագիրը) և Հայաստանի Հանրապետությունում կիրառելի՝ ֆինանսական հաշվետվությունների աուդիտի նկատմամբ վարքագծի պահանջների, կատարել ենք վարքագծի նկատմամբ մեր մյուս պարտականությունները՝ այդ պահանջների համաձայն: Համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար:

ԱՅՆ ՀԱՆԳԱՄԱՆՔ

Հիմնադրամի նախորդ՝ 2023թ. ֆինանսական հաշվետվությունները աուդիտի է ենթարկել ՊԻ ԿԱ ԷՖ ԱՌՈՂԻՏ ՍԵՐՎԻՍ ՍՊ ընկերությունը և իր 20.04.2024թ-ին թվագրված աուդիտորական եզրակացությամբ արտահայտել է չձևափոխված կարծիք:

ՂԵԿԱՎԱՐՈՒԹՅԱՆ ԵՎ ԿԱՌԱՎԱՐՄԱՆ ՕՂԱԿՆԵՐՈՒՄ ԵՐԳՐԱՎՎԱԾ ԱՆՁԱՆՑ ՊԱՏԱՍԽԱՆԱՏՎՈՒԹՅՈՒՆԸ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ՀԱՄԱՐ

Հիմնադրամի ղեկավարությունը պատասխանատու է ՖՀՄՍ-ներին համապատասխան ֆինանսական հաշվետվությունների կազմման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ֆինանսական հաշվետվություններ, որոնք գերծ են խարդախության կամ սխալի արդյունքում էական խեղաթյուրումից:



ՋԻ ԷՄ ՔՈՆՍԱԼԹ ՍՊԸ

Աուդիտորական և խորհրդատվական ընկերություն

Էլ. հասցե՝ consultgmllc@gmail.com, վեբ կայք՝ www.gmconsult.am, հեռ.՝ +37441451172

Ֆինանսական հաշվետվությունները պատրաստելիս՝ ղեկավարությունը պատասխանատու է Հիմնադրամի անընդհատ գործելու հնարավորությունը գնահատելու, անընդհատ գործելուն առնչվող հարցերը բացահայտելու (եթե կիրառելի է), ինչպես նաև գործունեության անընդհատության ենթադրության վրա հիմնված հաշվառում վարելու համար, քանի դեռ ղեկավարությունը չի նախատեսում լուծարել Հիմնադրամը կամ դադարեցնել դրա գործունեությունը կամ չունի իրատեսական այլընտրանք, բացի նշվածները:

Կառավարման օղակներում ներգրավված անձիք պատասխանատու են Հիմնադրամի ֆինանսական հաշվետվությունների կազմման գործընթացը վերահսկելու համար:

ԱՌՌԻԲՏՈՐԻ ՊՍԱՍԽԱՆԱՏՎՈՒԹՅՈՒՆԸ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ԱՌՌԻԲՏԻ ՀԱՄԱՐ

Մեր նպատակն է ձեռք բերել ողջամիտ հավաստիացում՝ խարդախությունների կամ սխալների հետևանքով ֆինանսական հաշվետվությունների էական խեղաթյուրումներից զերծ լինելու վերաբերյալ, ինչպես նաև ներկայացնել աուդիտորի եզրակացություն, որը կներառի մեր կարծիքը: Ողջամիտ հավաստիացումը բարձր աստիճանի հավաստիացում է, սակայն այն երաշխիք չի հանդիսանում, որ ԱՄՍ-ների համապատասխան իրականացված աուդիտը միշտ կհայտնաբերի էական խեղաթյուրումներ, երբ այդպիսիք կան: Խեղաթյուրումները կարող են առաջանալ խարդախության կամ սխալի հետևանքով և համարվում են էական, եթե ակնկալվում է, որ դրանք առանձին-առանձին կամ միասին վերցված կարող են ազդել այս ֆինանսական հաշվետվությունների օգտագործողների դրանց հիման վրա կայացրած տնտեսական որոշումների վրա:

ԱՄՍ-ների համապատասխան իրականացվող աուդիտի շրջանակներում մենք կիրառում ենք մասնագիտական դատողություն և պահպանում ենք մասնագիտական կասկածամտություն ամբողջ աուդիտի ընթացքում: Բացի այդ, մենք.

- ✦ Բացահայտում և գնահատում ենք ֆինանսական հաշվետվություններում խարդախության կամ սխալի հետևանքով էական խեղաթյուրման ռիսկերը, նախագծում և իրականացնում ենք այդ ռիսկերին ուղղված աուդիտորական ընթացակարգեր և ձեռք ենք բերում բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար: Խարդախության արդյունք հանդիսացող էական խեղաթյուրման չբացահայտման ռիսկն ավելի մեծ է, քան սխալի հետևանքով առաջացած խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, փաստաթղթերի կեղծում, միտումնավոր բացթողումներ, կեղծ հայտարարությունների տրամադրում կամ ներքին վերահսկողության համակարգի չարաշահում:
- ✦ Պատկերացում ենք կազմում աուդիտին առնչվող ներքին վերահսկողության վերաբերյալ, որպեսզի մշակենք համապատասխան աուդիտորական ընթացակարգեր, բայց ոչ՝ Հիմնադրամի ներքին վերահսկողության արդյունավետության վերաբերյալ կարծիք արտահայտելու համար:
- ✦ Գնահատում ենք կիրառվող հաշվապահական հաշվառման քաղաքականության պատշաճությունը, ինչպես նաև ղեկավարության կատարված հաշվապահական գնահատումների և համապատասխան բացահայտումների ողջամտությունը:
- ✦ Եզրահանգումներ ենք կատարում ղեկավարության կողմից անընդհատության սկզբունքի կիրառման տեղին լինելու վերաբերյալ և ձեռք բերված աուդիտորական ապացույցների հիման վրա հետևություն ենք անում, թե արդյոք առկա՞ է իրադարձությունների կամ հանգամանքների



ՋԻ ԷՄ ԲՈՆՍԱԼԹ ՍՊԸ

Աուդիտորական և խորհրդատվական ընկերություն

էլ.հասցե՝ consultgmllc@gmail.com, վեբ կայք՝ www.gmconsult.am, հեռ.՝ +37441451172

հետ կապված էական անորոշություն, որը կարող է էական կասկած առաջացնել Հիմնադրամի անընդհատ գործելու հնարավորության վերաբերյալ: Եթե գալիս ենք եզրահանգման, որ գոյություն ունի էական անորոշություն, պետք է մեր աուդիտորական եզրակացությունում ուշադրություն հրավիրենք ֆինանսական հաշվետվություններում համապատասխան բացահայտումներին, կամ, եթե նման բացահայտումները պատշաճ կերպով ներկայացված չեն, պետք է ձևափոխենք կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա իրադարձությունները կամ հանգամանքները կարող են հանգեցնել նրան, որ Հիմնադրամը կորցնի իր անընդհատ գործելու կարողությունը:

- ✚ Գնահատում ենք ընդհանուր առմամբ ֆինանսական հաշվետվությունների ներկայացումը, կառուցվածքը և բովանդակությունը, ներառյալ բացահայտումները, և արդյո՞ք ֆինանսական հաշվետվությունները ներկայացնում են դրանց հիմքում ընկած գործարքներն ու իրադարձությունները այն ձևով, որն ապահովում է ճշմարիտ ներկայացումը:

Այլ հարցերի հետ մեկտեղ, մենք հաղորդակցում ենք կառավարման օղակներում ներգրավված անձանց հետ աուդիտի պլանավորված շրջանակների և ժամկետների, ինչպես նաև աուդիտի ընթացքում հայտնաբերված էական թերացումների վերաբերյալ, որոնք ներառում են աուդիտի ընթացքում մեր կողմից բացահայտված ներքին վերահսկողության կարևոր թերությունները:

Ք. Երևան, 12.05.2025թ.

ՋԻ ԷՄ ԲՈՆՍԱԼԹ ՍՊԸ

Գլխավոր տնօրեն՝

Գոհար Մարգարյան



Որակավորված աուդիտոր՝

Արվիհե Խաչատրյան



Թուֆենկյան Բարեգործական հիմնադրամ
Եկամտի և ծախսի և զուտ ակտիվներում փոփոխությունների մասին հաշվետվություն
2024թ. դեկտեմբերի 31-ի դրությամբ

Հազար դրամ	Ծնթգ.	31.12.2024թ.	31.12.2023թ.
Շնորհներից եկամուտ	4	308,191	177,735
Ծրագրային ծախսեր	5	(269,869)	(275,270)
Վարչական ծախսեր	6	(24,579)	(23,373)
Այլ եկամուտ		-	338
Այլ ծախսեր		(1,652)	(1,674)
Գործառնական արդյունք		12,091	(122,244)
Հիմնական միջոցների օտարումից օգուտներ	7	-	97,928
Ոչ գործառնական այլ եկամուտ/ծախս		(2,875)	21,762
Արդյունք մինչև հարկումը		9,216	(2,554)
Շահութահարկի գծով (ծախս)/եկամուտ	8	1,277	(14,145)
Տարվա արդյունք		10,493	(16,699)
Զուտ ակտիվները տարվա սկզբին		(4,955)	11,744
Տարվա զուտ արդյունք		10,493	(16,699)
Զուտ ակտիվները տարվա վերջին		5,538	(4,955)

Սույն ֆինանսական հաշվետվությունները հաստատվել են հիմնադրամի ղեկավարության կողմից 12.05.2025թ.:

Թուֆենկյան Բարեգործական հիմնադրամ



Տնօրեն՝

[Handwritten signature of G. Ghentyan]

Գ. Պետեան

Գլխավոր հաշվապահ՝

[Handwritten signature of A. Mnisayevyan]

Ա. Մուսայեյան

Եկամտի և ծախսի և զուտ ակտիվներում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 18-րդ էջերում ներկայացված կից ծանոթագրությունների հետ մեկտեղ:

Թուֆենկյան բարեգործական հիմնադրամ
Ֆինանսական վիճակի մասին հաշվետվություն
2024թ. դեկտեմբերի 31-ի դրությամբ

Հազար դրամ	Ծնթգ.	31.12.2024թ.	31.12.2023թ.
Ոչ ընթացիկ ակտիվներ			
Հիմնական միջոցներ	9	6,648	7,489
Ոչ նյութական ակտիվներ		753	1,100
Հետաձգված հարկային ակտիվներ		1,277	-
Ընդամենը ոչ ընթացիկ ակտիվներ		8,678	8,589
Ընթացիկ ակտիվներ			
Ապրանքներ		-	4,025
Առևտրային և այլ դեբիտորական պարտքեր	10	24,822	19,397
Դրամական միջոցներ և դրանց համարժեքներ	11	97,370	153,353
Այլ ընթացիկ ակտիվներ			
Ընդամենը ընթացիկ ակտիվներ		122,192	176,775
Ընդամենը ակտիվներ		130,870	185,364
Ոչ ընթացիկ պարտավորություններ և զուտ ակտիվներ			
Ակտիվներին վերաբերող շնորհներ	12	18,249	19,513
Զուտ ակտիվներ		5,538	(4,955)
Ընթացիկ պարտավորություններ			
Առևտրային և այլ կրեդիտորական պարտքեր	13	9,713	17,453
Եկամուտներին վերաբերող շնորհներ	12	97,370	153,353
Ընդամենը ընթացիկ պարտավորություններ		107,083	170,806
Ընդամենը պարտավորություններ		130,869	185,364

Սույն ֆինանսական հաշվետվությունները հաստատվել են հիմնադրամի ղեկավարության կողմից 12.05.2025թ.:

Թուֆենկյան բարեգործական հիմնադրամ

Տնօրեն՝

Գ. Պետեան

Գլխավոր հաշվապահ՝

Ա. Մուսայեյան

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 18-րդ էջերում ներկայացված կից ծանոթագրությունների հետ մեկտեղ:

Թուֆենկյան բարեգործական հիմնադրամ
Դրամական միջոցների հոսքերի մասին հաշվետվություն
2024թ. դեկտեմբերի 31-ի դրությամբ

Հազար դրամ	31.12.2024թ.	31.12.2023թ.
Դրամական միջոցների հոսքեր գործառնական գործունեությունից		
Անհատույց ստացումից մուտքեր	249,583	302,180
Տրամադրված դրամաշնորհներ	(130,867)	(227,570)
Աշխատակիցներին վճարված դրամական միջոցներ	(52,746)	(11,881)
Մատակարարներին վճարված դրամական միջոցներ	(82,740)	(51,457)
Վճարումներ պետական բյուջե	(33,433)	(4,117)
Գործառնական գործունեությունից դրամական միջոցների այլ մուտքեր		-
Գործառնական գործունեությունից դրամական միջոցների այլ արտահոսքեր	(2,905)	(316)
Գործառնական գործունեությունից ստացված/(օգտագործված) զուտ դրամական միջոցների հոսքեր	(53,108)	6,839
Ներդրումային գործունեությունից դրամական միջոցների մուտքեր	-	107,800
Փոխառությունների տրամադրումից	(1,360)	(5,888)
Ֆինանսավորման գործունեությունից դրամական միջոցների զուտ հոսքերից		(1,674)
Դրամական միջոցների և դրանց համարժեքների զուտ (նվազում)/աճ	(54,468)	107,077
Դրամական միջոցները և դրանց համարժեքները առ 1 հունվարի 2024թ.	153,353	43,019
Արտարժույթի փոխարժեքային տարբերություններ	(1,515)	3,257
Դրամական միջոցները և դրանց համարժեքները առ 31 դեկտեմբերի 2024թ.	97,370	153,353

Թուֆենկյան Բարեգործական հիմնադրամ

Տնօրեն՝

Գ. Պետեան

Գլխավոր հաշվապահ՝

Ա. Մուսայելյան



Դրամական միջոցների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 10-ից մինչև 18-րդ էջերում ներկայացված կից ծանոթագրությունների հետ մեկտեղ:

Թուֆենկյան բարեգործական հիմնադրամ
Ֆինանսական հաշվետվություններին կից ծանոթություններ
2024թ. դեկտեմբերի 31-ի դրությամբ

1. Գործառնությունների բնույթը և ընդհանուր տեղեկատվություն

Թուֆենկյան բարեգործական հիմնադրամը (այսուհետ՝ Հիմնադրամ) հիմնադրվել է 2003թվականի հոկտեմբերի 31-ի տնօրենների խորհրդի որոշմամբ և գրանցվել է ՀՀ իրավաբանական անձանց պետական ռեգիստրի կողմից 2003թ-ի դեկտեմբերի 24-ին:

Գրանցման համարն է 222.160.00252, վկայական 03Ա 061842:

Հիմնադրամը հիմնադրվել է Թուֆենկյան Ֆաունդեյշն ԻՆԿ.-ի (ԱՄՆ իրավունքի ընկերություն գրանցված Նյու-Յորք նահանգում) կողմից:

Հիմնադրամի բարձրագույն կառավարման մարմինը հիմնադիրների խորհուրդն է, որն ընտրում է հիմնադրամի հոգաբարձուների խորհրդի անդամներին: Հիմնադրամի հոգաբարձուների խորհուրդը կազմված է երեք անդամից:

Հիմնադրամը չի հետապնդում քաղաքական նպատակներ և չի հարում որևէ քաղաքական հոսանքի:

- ✦ Հիմնադրամի պաշտոնական անվանումն է՝ ԹՈՒՖԵՆԿՅԱՆ ԲԱՐԵԳՈՐԾԱԿԱՆ ՀԻՄՆԱԴՐԱՄ:
- ✦ Հիմնադրամի գտնվելու վայրն է՝ Հայաստանի Հանրապետություն, ք.Երևան, Թումանյան փող. 21/1 բն.5:

2024թ. դեկտեմբերի 31-ի դրությամբ Հիմնադրամն ունեցել է 11 աշխատակից, 2023թ. -ին 9 աշխատակից:

1.2. Հիմնադրամի նպատակները

- ✦ Իրենց նյութական և հոգևոր կարիքները հոգալ չկարողացող անձանց աջակցումը
- ✦ Առողջապահության զարգացումը
- ✦ Գյուղատնտեսության զարգացումը
- ✦ ՀՀ և այլուր աշխատատեղերի ստեղծման, և գործազուրկների վերապատրաստման ճանապարհով սոցիալական օգնության կարիք ունեցող անձանց աջակցումը
- ✦ Գիտության, արվեստի, կրթության և գրականության բնագավառների կազմակերպությունների և կրթօջախների ստեղծմանը նպաստելը
- ✦ Շրջակա միջավայրի պահպանությունը և բարեկարգումը
- ✦ Պատմական, ճարտարապետական, մշակույթի և արվեստի հուշարձանների պահպանումը և վերականգնումը
- ✦ Տարերային աղետների հետևանքով տուժած անձանց նյութական և այլ անհրաժեշտ օգնության ցուցաբերումը և տարերային աղետների հետևանքների վերացումը

Հիմնադրամն իր կանոնադրական խնդիրներն իրականացնում է ֆիզիկական և իրավաբանական անձանց նվիրատվությունների և նվիրաբերությունների, այդ թվում՝ օտարերկրյա քաղաքացիների, իրավաբանական անձանց, միջազգային կազմակերպությունների նվիրատվությունների և նվիրաբերությունների, հանգանակություններից ստացված միջոցների հաշվին:

Գործարար միջավայր

Հայաստանում իրականացվող քաղաքական և տնտեսական փոփոխությունները, ինչպես նաև իրավական, հարկային և օրենսդրական համակարգերի զարգացումը շարունակական բնույթ են կրում: Հայաստանի տնտեսության կայունությունը և զարգացումը մեծապես կախված է այս փոփոխություններից: Կառավարությունը հաստատել է արդյունավետ կառավարման իր հանձնառությունը, որը ենթադրում է հակակոռուպցիոն ջանքեր, թափանցիկություն և հաշվետվողականություն:

Իրավիճակը Հայաստանի Հանրապետությունում էլ ավելի է սրվել Ադրբեջանի Հանրապետության կողմից սանձազերծված պատերազմի արդյունքում: Չնայած կնքված զինադադարի համաձայնագրին՝ դեռևս անորոշ են պատերազմի հետևանքները Հայաստանի տնտեսության վրա թե կարճաժամկետ, և թե երկարաժամկետ առումներով:

2022թ. փետրվարի 24-ին Ուկրաինայում բռնկված հակամարտությունն արագությամբ ծավալվում է՝ զգալի ազդեցություն թողնելով աշխարհի վրա: ԱՄՆ-ն և Եվրոպական երկրները կոշտ պատժամիջոցներ են կիրառել Ռուսաստանի Դաշնության դեմ: Արևմտյան երկրները քննարկում են գոյություն ունեցող պատժամիջոցների ընդլայնումը: Ռուսաստանի Դաշնությունը Հայաստանի Հանրապետության էական առևտրատնտեսական գործընկերն է, ուստի սույն ֆինանսական հաշվետվությունների ամսաթվի դրությամբ կիրառվող պատժամիջոցները, ինչպես նաև դրանց ընդարձակումը կարող են լուրջ ազդեցություն ունենալ Հայաստանի Հանրապետության ֆինանսական շուկաների և ամբողջ տնտեսության վրա: Համաշխարհային մակարդակով ավելի խոր պատժամիջոցներ կիրառելը կարող է հանգեցնել բարձր գնաճի, ֆինանսական շուկաների աճի տեմպի նվազման և որոշակի խաթարման:

Ուկրաինայում բռնկված հակամարտությունը պատճառ դարձավ, որ հազարավոր ուսանողներ և ուկրաինացիներ տեղափոխվեցին Հայաստանի Հանրապետություն: Սա վերաբերվում է ոչ միայն անհատներին այլ նաև ձեռնարկություններին, որոնք հիմնադրվել և իրենց գործունեությունը ծավալել են այդ երկրներում: Դա հանգեցրեց հայկական շուկա արտարժույթի ներհոսքի ավելացմանը, ինչի հետևանքով Հայկական դրամը զգալի արժեվորվեց ԱՄՆ դոլարի և Եվրոյի նկատմամբ: Մյուս կողմից ՀՀ կենտրոնական բանկը ոչ մի միջոց չձեռնարկեց, որպեսզի թուլացնի հայկական ազգային արժույթի դիրքերը:

2023թ. Հայաստանի Հանրապետությունում քաղաքական իրավիճակը շարունակում է մնալ համեմատաբար անկայուն, 44-օրյա Արցախյան պատերազմի հետևանքները դեռևս էական ազդեցություն են ունենում երկրի ընդհանուր և տնտեսվարող սուբյեկտների վրա: 2023թ. սեպտեմբերին տեղի ունեցավ շուրջ 120,000 Արցախաբնակ հայերի բռնի տեղահանումը դեպի Հայաստան, որը լրացուցիչ տնտեսական և քաղաքական ցնցումների առիթ հանդիսացավ: Քաղաքական անկայուն իրավիճակի, միջազգային ճանապարհների պարբերաբար փակման, հրադադարի ռեժիմի կարճաժամկետ խախտումների հետևանքով, դժվար է կանխատեսել նշված պայմանների տնտեսական ազդեցությունը Հիմնադրամի գործունեության վրա:

Վերոնշյալ իրադարձությունները կարող են հետագայում էական ազդեցություն ունենալ Հիմնադրամի ապագա գործունեության և ֆինանսական կայունության վրա, որոնց ամբողջական հետևանքները դժվար է կանխատեսել ներկա պահին: Ապագա տնտեսական և քաղաքական իրավիճակը և վերջիններիս ազդեցությունը Հիմնադրամի գործունեության վրա կարող են տարբերվել Հիմնադրամի ղեկավարության ներկա սպասումներից:

Տվյալ ֆինանսական հաշվետվությունները չեն արտացոլում վերը նկարագրվածի հնարավոր ապագա ազդեցությունը Հիմնադրամի գործունեության վրա:

2. Պատրաստման հիմքերը

2.2. ՀԱՄԱՊԱՏԱՍԽԱՆՈՒԹՅՈՒՆ

Ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների (ՖՀՄՍ) համաձայն, ինչպես հրապարակվել է Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից:

Հաշվետվությունները պատրաստվել են հիմնվելով այն գնահատման վրա, որ հիմնադրամն իր գործունեությունն իրականացնում է անընդհատության սկզբունքից ելնելով:

Ներկայումս ՖՀՄՍ-ները չեն պարունակում հաշվապահական հաշվառման վարման և ֆինանսական հաշվետվությունների ներկայացման վերաբերյալ հատուկ ուղեցույցներ շահույթ չհետապնդող և ոչ կառավարական կազմակերպությունների համար: Եթե ՖՀՄՍ-ները չեն տալիս ուղղություն շահույթ չհետապնդող ոլորտի կազմակերպություններին հատուկ գործարքների հաշվառման վերաբերյալ, ապա հաշվապահական հաշվառման քաղաքականությունը պետք է հիմնվի ՖՀՄՍ-ների ընդհանուր սկզբունքների վրա՝ համաձայն Հաշվապահական հաշվառման միջազգային ստանդարտների խորհրդի (ՀՀՄՍԻ):

«Ֆինանսական հաշվետվությունների պատրաստման և ներկայացման հայեցակարգային հիմունքների»:

2.3. Չափման հիմքերը

Ֆինանսական հաշվետվությունները պատրաստվել են հաշվեգրման սկզբունքով և սկզբնական արժեքի մեթոդով:

2.4. Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (դրամ), որն էլ հանդիսանում է Հիմնադրամի գործառնական արժույթը, քանի որ այն լավագույնս է արտացոլում ֆինանսական հաշվետվությունների հիմքում ընկած իրադարձությունների և Հիմնադրամի գործարքների տնտեսական բովանդակությունը:

Սույն ֆինանսական հաշվետվությունները ներկայացված են հայկական դրամով (եթե այլ բան նշված չէ)

Գումարային արժեքները կլորացվել են մինչև հազար միավորը:

2.5. Հաշվապահական հաշվառման քաղաքականության փոփոխություններ

ա) 2024թ. հունվարի 1-ից ուժի մեջ մտած նոր ստանդարտներ, մեկնաբանություններ և փոփոխություններ

Առկա չեն 2024թ. հունվարի 1-ից ուժի մեջ մտած նոր ստանդարտներ, մեկնաբանություններ և փոփոխություններ, որոնք նշանակալի ազդեցություն են ունեցել Հիմնադրամի ֆինանսական հաշվետվությունների վրա:

բ) Հրապարակված, սակայն դեռևս չգործող ՖՀՄՍ-ների նոր ստանդարտներ և փոփոխություններ

Առկա չեն հրապարակված, սակայն դեռ ուժի մեջ չմտած, նոր ստանդարտներ, մեկնաբանություններ և փոփոխություններ, որոնք կունենան կամ հնարավոր է ունենան ազդեցություն Հիմնադրամի հետագա ֆինանսական հաշվետվությունների վրա:

2.6. Նշանակալի հաշվապահական գնահատումներ և դատողություններ

Հիմնադրամը կատարում է որոշ գնահատումներ և ենթադրություններ ապագա ժամանակաշրջանների վերաբերյալ: Գնահատումներն ու դատողությունները մշտապես վերանայվում են՝ հիմնվելով պատմական փորձի և այլ գործոնների վրա, ինչպես նաև ապագա իրադարձությունների վերաբերյալ ողջամիտ ակնկալիքների վրա: Այդուհանդերձ, փաստացի փորձը կարող է տարբերվել կատարված գնահատումներից և ենթադրություններից: Ստորև ներկայացված են այն գնահատումները և ենթադրությունները, որոնք պարունակում են զգալի ռիսկ, քանի որ հաջորդ ֆինանսական տարում կարող են ակտիվների և պարտավորությունների հաշվեկշռային արժեքների էական ճշգրտումների պատճառ հանդիսանալ:

3. Հաշվապահական հաշվառման քաղաքականություն

3.1. Արտարժույթով գործարքներ

Հիմնադրամի ֆունկցիոնալ արժույթից բացի այլ արժույթով արտահայտված գործարքները ճանաչվում են գործարքի օրվա դրությամբ ՀՀ կենտրոնական բանկի կայքում՝ www.cba.am, հրապարակված փոխարժեքով:

Յուրաքանչյուր հաշվետու ամսաթվի դրությամբ արտարժույթով արտահայտված դրամային հոդվածները վերահաշվարկվում են կիրառելով ՀՀ ԿԲ կողմից հրապարակված փոխարժեքները:

Տարեվերջի դրությամբ ՀՀ ԿԲ կողմից հրապարակված պաշտոնական փոխարժեքները կազմում էին 396.56 դրամ 1 ԱՄՆ դոլարի նկատմամբ, 413.89 դրամ 1 եվրոյի նկատմամբ, 3,71 դրամ 1 ՌԴ ռուբլու նկատմամբ (2023թ. դեկտեմբերի 31-ի դրությամբ՝ 404.79 դրամ 1 ԱՄՆ դոլարի նկատմամբ, 447.90 դրամ 1 եվրոյի նկատմամբ, 4.50 դրամ 1 ՌԴ ռուբլու նկատմամբ):

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկման արդյունքում առաջացած փոխարժեքային տարբերությունները համարվում են իրական արժեքի փոփոխության առանձին տարր և ճանաչվում են շահույթում կամ վնասում: Վաճառքի համար մատչելի ոչ դրամային ակտիվների գծով փոխարժեքային տարբերությունները կազմում են ֆինանսական գործիքի գծով ճանաչված ընդհանուր շահույթի կամ վնասի մասը:

3.2 Հիմնական միջոցներ

Հիմնական միջոցները սկզբնապես ճանաչվում են ինքնարժեքով: Հիմնական միջոցների միավորի ինքնարժեքը ձեռքբերման արժեքից բացի ընդգրկում է ուղղակիորեն վերագրելի ծախսումները և հիմնական միջոցների ապատեղակայման և քանդման սկզբնապես գնահատված անխուսափելի ծախսումների գումարը:

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Հողամասերի գծով մաշվածություն չի հաշվարկվում: Կառուցման ընթացքում գտնվող ակտիվների գծով մաշվածությունը սկսվում է հաշվարկվել, երբ ակտիվները ավարտուն են և պատրաստ օգտագործման:

Հիմնական միջոցների գնահատված օգտակար ծառայության ժամկետները ներկայացված են ստորև

Հիմնական միջոցներ	Օգտակար ծառայության ժամկետ	Հաշվարկման մեթոդ
Տրանսպորտային միջոցներ	8 տարի	Գծային
Արտադրատնտեսական գույք	8 տարի	Գծային
Համակարգչային տեխնիկա	1 տարի	Գծային

3.3 Ֆինանսական ակտիվներ

Հիմնադրամն իր ֆինանսական ակտիվները դասակարգում է ներքո ներկայացված կատեգորիաներից մեկով կախված այն նպատակից, որի համար ակտիվը ձեռք է բերվել:

Ամորտիզացված արժեքով չափվող

Այս ակտիվները հիմնականում առաջանում են հաճախորդներին ապրանքների և ծառայությունների մատուցումից (օրինակ՝ առևտրային դեբիտորական պարտքեր), ինչպես նաև ներառում են այլ

Ֆինանսական ակտիվներ, որոնց նպատակն է այդ ակտիվները պահել, պայմանագրային դրամական հոսքերի հավաքման նպատակով, իսկ պայմանագրային դրամական միջոցների հոսքերը իրենցից զուտ ներկայացնում են մայր գումարի և տոկոսների վճարումներ: Դրանք սկզբնապես ճանաչվում են իրական արժեքով՝ գումարած գործարքների գծով ծախսումները, որոնք ուղղակիորեն կապված են դրանց ձեռքբերման կամ թողարկման հետ, և հետագայում դրանք չափվում են ամորտիզացված արժեքով, օգտագործելով արդյունավետ տոկոսադրույքի մեթոդը՝ նվազեցնելով արժեքի մնացորդը:

Ընթացիկ և ոչ ընթացիկ առևտրային դեբիտորական պարտքերի գծով վճարունակության ակնկալվող կորուստները գնահատելու նպատակով կիրառում է ՖՀՄՍ 9-ի պարզեցված մոտեցումը՝ օգտագործելով ողջ ժամկետի համար վճարունակության ակնկալվող կորուստների գնահատում: Այս գործընթացում գնահատվում է առևտրային դեբիտորական պարտքերի չվճարման հավանականությունը: Այդ հավանականությունը, այնուհետև, բազմապատկվում է կանխատեսվող կորստի գումարի չափով՝ առևտրային դեբիտորական պարտքերի ողջ ժամկետի գծով ակնկալվող կորստի գնահատման նպատակով: Առևտրային դեբիտորական պարտքերի անհավաքելիության հաստատման դեպքում, ակտիվի համախառն հաշվեկշռային արժեքը հաշվանցվում է այդ ակտիվի գծով ձևավորված պահուստի հաշվին:

Կապակցված կողմերից դեբիտորական պարտքերի և կապակցված կողմերին տրամադրված փոխառությունների արժեքի մնացորդը գնահատվում են վճարունակության կորուստների ակնկալվող մոդելի հիման վրա: Պահուստի գումարի որոշման մեթոդաբանությունը հիմնված է այն հանգամանքի վրա, թե ֆինանսական ակտիվի սկզբնական ճանաչման պահից հետո արդյոք եղել է վճարունակության ռիսկի զգալի աճ: Այն ակտիվների համար, որոնց սկզբնական ճանաչման պահից հետո չի եղել վճարունակության ռիսկի զգալի աճ, ճանաչվում է վճարունակության ռիսկի տասներկու ամսվա ակնկալվող կորուստ՝ համախառն տոկոսային եկամտի հետ միասին: Այն ակտիվների համար, որոնց վճարունակության ռիսկը զգալիորեն աճել է, ճանաչվում է ողջ ժամանակաշրջանի համար վճարունակության ռիսկի ակնկալվող կորուստ՝ համախառն տոկոսային եկամտի հետ միասին:

Հիմնադրամի ֆինանսական ակտիվները, որոնք չափվում են ամորտիզացված արժեքով ֆինանսական վիճակի մասին հաշվետվությունում, ներառում են առևտրային և այլ դեբիտորական պարտքեր, ինչպես նաև դրամական միջոցները և դրանց համարժեքները: Դրամական միջոցները և դրանց համարժեքները ներառում են դրամական միջոցներ, ցպահանջ ավանդներ բանկերում, այլ կարճաժամկետ բարձր իրացվելի ներդրումներ, որոնց մարման սկզբնական ժամկետը չի գերազանցում երեք ամիսը, ինչպես նաև դրամական միջոցների հոսքերի մասին հաշվետվության նպատակով՝ բանկային օվերդրաֆտները: Բանկային օվերդրաֆտները ֆինանսական վիճակի մասին հաշվետվությունում ներկայացվում են ընթացիկ պարտավորություններում վարկերի և փոխառությունների ներքո:

Ֆինանսական պարտավորություններ

Հիմնադրամն իր ֆինանսական պարտավորությունները դասակարգում է երկու կատեգորիայի՝ պարտավորության ձեռքբերման նպատակին համապատասխան:

Ստորև ներկայացված է Հիմնադրամի հաշվապահական հաշվառման քաղաքականությունը հաշվեկշռի ամսաթվին առկա յուրաքանչյուր կատեգորիայի համար, բացառությամբ հեջավորման պայմանը բավարարող ֆինանսական պարտավորությունների:

Այլ ֆինանսական պարտավորություններ

Այլ ֆինանսական պարտավորությունները ներառում են հետևյալը՝

- Փոխառությունները սկզբնապես ճանաչվում են իրական արժեքով՝ հանած դրանց ստացմանն ուղղակիորեն վերագրելի ծախսումները: Ժամանակաշրջանի տոկոսային ծախսերը հաստատուն դրույքով ներառվում են ֆինանսական արդյունքների մասին հաշվետվության պարտավորություններ հողվածում: Յուրաքանչյուր ֆինանսական պարտավորության նպատակներից ելնելով՝ տոկոսային ծախսերը ներառում են սկզբնական գործարքային ծախսերը, ետգնման վճարները, ինչպես նաև պարտավորությունների գծով վճարվելիք տոկոսները կամ արժեկտրոնները:

- Առևտրային կրեդիտորական և այլ կարճաժամկետ դրամային պարտավորությունները, որոնք սկզբնապես ճանաչվում են իրական արժեքով, իսկ հետագայում՝ ամորտիզացված արժեքով՝ օգտագործելով արդյունավետ տոկոսային մեթոդը, եթե վերջինս էականորեն տարբերվում է սկզբնական արժեքից:

3.4 Դրամական միջոցներ

Դրամական միջոցները ներառում են բանկային հաշիվների մնացորդները:

Դրամական միջոցների հոսքերի մասին հաշվետվության նպատակով՝ դրամական միջոցների համարժեքները կարճաժամկետ, բարձր իրացվելի ներդրումներն են, որոնք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ:

Դրամական միջոցների համարժեքները պահվում են կարճաժամկետ դրամական պարտավորությունները մարելու նպատակով, այլ ոչ թե ներդրման կամ այլ նպատակներով: Հիմնադրամը ներդրումները դասակարգում է, որպես դրամական միջոցների համարժեքներ միայն այն դեպքում, եթե դրանք հեշտ փոխարկվում են դրամական միջոցների՝ նախապես հայտնի գումարներով և որոնց արժեքի փոփոխման ռիսկը նշանակալի չէ:

3.5 Շնորհներ

Շնորհները, որոնք որոշակի պայմանով տրվում են Հիմնադրամին՝ կանոնադրական գործունեության իրականացման նպատակով, ճանաչվում են իրենց իրական արժեքով, երբ կա հիմնավորված երաշխիք, որ

- Հիմնադրամը կատարելու է դրամաշնորհներին հարակից պայմանները, և
- Դրամաշնորհները ստացվելու են:

Ստացված շնորհները, որոնց փոխանցման հետ կապված չեն գործում որևէ պայմաններ, ճանաչվում են որպես եկամուտ, երբ դառնում են ստացման ենթակա:

Հիմնական միջոցների ձեռքբերմանը վերաբերվող դրամաշնորհները հետաձգվում են և ճանաչվում ֆինանսական արդյունքների մասին հաշվետվությունում գծային մեթոդով՝ համապատասխան ակտիվի օգտակար ծառայության ժամկետի ընթացքում:

Ծախսերին վերաբերվող դրամաշնորհները հետաձգվում են և ճանաչվում են ֆինանսական արդյունքների մասին հաշվետվությունում այն ժամանակաշրջաններում, որոնց ընթացքում դրանք փոխհատուցում են այն ծախսերը, որոնց համար ստացվել են:

3.6 Պաշարներ

Պաշարները սկզբնապես ճանաչվում են ինքնարժեքով, իսկ հետագայում չափվում են ինքնարժեքից և իրացման զուտ արժեքից նվազագույնով: Պաշարների ինքնարժեքը ներառում է ձեռքբերման, փոխարկման և պաշարները ներկայիս գտնվելու վայր և վիճակի բերելու հետ կապված բոլոր այլ ծախսումները:

Համանման բնույթ և կիրառություն ունեցող բոլոր պաշարների ինքնարժեքի որոշման համար կիրառվում է ինքնարժեքի միջին կշռված արժեքի բանաձևը:

3.7 Պահուստներ

Հիմնադրամը ճանաչել է ժամկետի կամ գումարի առումով անորոշ պահուստներ: Որպես պահուստ ճանաչված գումարը պետք է իրենից ներկայացնի հաշվետու ժամանակաշրջանի դրությամբ ներկա պարտավորությունը մարելու համար պահանջվող ծախսումների լավագույն գնահատականը: Զեղչման դրույքը պետք է լինի այն դրույքն՝ առանց հաշվի առնելու հարկման ազդեցությունը, որն արտացոլում է

ժամանակի մեջ դրամի արժեքի և այդ պարտավորությանը հատուկ դիսկերի ընթացիկ շուկայական գնահատումները:

3.8 Հարկեր

Շահութահարկ

Ընթացիկ շահութահարկը տարվա համար հարկվող շահույթից վճարվելիք հարկն է, որը հաշվարկվում է հաշվապահական հաշվեկշռի ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Շահութահարկը որոշելիս հաշվառումն իրականացվում է հաշվապահական հաշվառումը և ֆինանսական հաշվետվությունները կարգավորող օրենքներով և այլ իրավական ակտերով սահմանված սկզբունքների և կանոնների հիման վրա՝ հաշվի առնելով ՀՀ հարկային օրենսգրքի նախատեսված առանձնահատկությունները:

Շահութահարկի հաշվարկման իմաստով հարկատուի շահույթը համախառն եկամտի և ՀՀ հարկային օրենսգրքով սահմանված նվազեցումների դրական տարբերությունն է:

3.9 Հատուցումներ աշխատակիցներին

Կարճաժամկետ հատուցումներն աշխատակիցներին այն հատուցումներն են, որոնք ենթակա են մարման ամբողջությամբ տարեկան այն հաշվետու ժամանակաշրջանի ավարտից հետո տասներկու ամսվա ընթացքում, որում աշխատակիցները մատուցել են համապատասխան ծառայությունները: Դրանք ներառում են՝

(ա) աշխատավարձերը և պարգևավճարները,

(բ) վճարովի տարեկան արձակուրդները և անաշխատունակության հետ կապված վճարովի արձակուրդները:

Վճարովի բացակայություններ

Վճարովի բացակայությունների ձևով աշխատակիցների կարճաժամկետ հատուցումների գծով ակնկալվող ծախսումները ճանաչվում են հետևյալ կերպ.

(ա) կուտակվող վճարովի բացակայությունների դեպքում՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքներն ապագա վճարովի բացակայությունների նկատմամբ,

(բ) չկուտակվող վճարովի բացակայությունների դեպքում՝ այն ժամանակ, երբ բացակայությունը տեղի է ունենում:

Պարգևավճարներ

Պարգևավճարների գծով ակնկալվող ծախսումները ճանաչվում են միայն այն ժամանակ, երբ Հիմնադրամն ունի այդպիսի վճարումներ կատարելու ներկա իրավական կամ կառուցողական պարտականություն՝ որպես անցյալ դեպքերի արդյունք, և պարտականությունը հնարավոր է արժանահավատորեն գնահատել:

Ներկա պարտականություն գոյություն ունի այն և միայն այն դեպքում, երբ Հիմնադրամը վճարում է կատարելու ոչ մի իրատեսական այլընտրանք չունի:

3.10 Եկամուտ

Հիմնադրամի 2024թ-ին այլ եկամուտները չի ստացել: Որոշելու համար, թե արդյոք անհրաժեշտ է ճանաչել այդ եկամուտը, թե ոչ, Հիմնադրամն առաջնորդվում է 5-քայլի գործընթացով.

1. Հաճախորդի հետ պայմանագրի բացահայտում
2. Կատարման պարտականությունների բացահայտում
3. Գործարքի գնի որոշում
4. Կատարման պարտականությունների միջև գործարքի գնի բաշխում
5. Եկամտի ճանաչում, երբ կատարման պարտականությունները բավարարված են

Շնորհներից եկամուտ

Այս եկամտի ճանաչման քաղաքականությունը ներկայացված է ծանոթագրություն 3.5-ում:

4. Շնորհներից եկամուտներ

Հազար դրամ	2024թ.	2023թ.
Եկամուտներին վերաբերող շնորհներ	306,927	173,224
Ակտիվներին վերաբերող շնորհներ	1,264	4,394
Ընդամենը եկամուտ	308,191	177,735

5. Ծրագրային ծախսեր

Հազար դրամ	2024թ.	2023թ.
Ընտանիք և համայնք ԲՀԿ	(87,930)	(60,667)
Հանքարդյունաբերության Օրենսդրության Բարեփոխումների Կենտրոն ՀԿ	(34,625)	(29,846)
Լրատվական հարթակի զարգացում	(35,095)	
Առաջնային օգնություն ԼՂ-ից բռնի տեղահանվածներին	(30,516)	
Սյունիքում գյուղատնտեսության զարգացում	(31,301)	
Սվարանց գյուղի ջրագծի հիմնանորոգում	(13,488)	
Կրթական ծրագիր	(12,696)	
Սյունիքի սոցիալական զարգացման ծրագիր	(11,978)	(2,180)
Սվարանց գյուղում տների շինարարություն	(7,348)	
Սյունիքում մշակութային ծրագիր	(4,392)	(6,114)
Բնապահպանություն և ծառատունկ	(502)	(585)
Թուֆենկյան Բարեգործական հիմնադրամ Արցախ		(101,686)
Ի-ՎԻ-Էն լրատվական հիմնադրամ		
Կանանց աջակցման կենտրոն ՀԿ		(66,470)
Գյումրու դպրոցի համար համակարգիչներ և պատուհաններ		(7,722)
Ընդամենը եկամուտ	(269,869)	(275,270)

6. Վարչական ծախսեր

Հազար դրամ	2024թ.	2023թ.
Աշխատավարձ և սոց. վճարներ	(11,986)	(16,062)
Աուդիտ և խորհրդատվություն	(675)	(532)
Մաշվածություն	(1,989)	(2,534)
Գրասենյակային և կոմունալ	(7,406)	(1,024)
Այլ ծախսեր	(2,523)	(3,221)
Ընդամենը ծախսեր	(24,579)	(23,373)

7. Հիմնական միջոցի օտարումից եկամուտ

Հազար դրամ	2024թ.	2023թ.
Վարչական շենքի և հողամասի օտարում	-	107,800
Վարչական շենքի մնացորդային արժեք	-	(9,872)
Ընդամենը ծախսեր	-	(97,928)

8. Շահութահարկ

Շահութահարկի գծով ծախս / (փոխհատուցում)

	31.12.2024թ. հազ. դրամ	31.12.2023թ. հազ. դրամ
Ընթացիկ հարկի գծով ծախս	-	(14,145)
Հետաձգված հարկ	1,277	-
	1,277	(14,145)

Հաշվետու տարվա համար ՀՀ հարկային օրենսգրքով շահութահարկի դրույքաչափը սահմանված է 18% (2023թ.՝ 18%): Ընթացիկ տարվա շահութահարկը և հետաձգված հարկը հաշվարկվել է 18% տոկոսադրույքով:

9. Հիմնական միջոցներ

	Հողամաս	Շենք	Տրանսպորտային միջոցներ	Համակարգչային տեխնիկա	Այլ	Ընդամենը
Սկզբնական կամ վերագնահատված արժեք						
Մնացորդն առ 01.01.2023թ.	3,800	82,840		809	2,359	89,808
Ավելացումներ			7,000	842	-	7,842
Նվազեցումներ	(3,800)	(82,840)			(1,481)	(88,121)
Մնացորդն առ 31.12.2023թ.	-	-	7,000	1,651	878	9,529
Ավելացումներ				647	496	1,143
Օտարումներ						
Մնացորդն առ 31.12.2024թ.	-	-	7,000	2,298	1,374	10,672
Կուտակված մաշվածություն						
Մնացորդն առ 01.01.2023թ.	-	(75,591)		(800)	(2,086)	(78,477)
Ավելացումներ	-	(1,626)	(111)	(348)	(176)	(2,261)
Նվազեցումներ	-	77,217			1,481	78,698
Մնացորդն առ 31.12.2023թ.	-	-	(111)	(1,148)	(781)	(2,040)
Ավելացումներ			(875)	(796)	(313)	(1,984)
Նվազեցումներ						
Մնացորդն առ 31.12.2024թ.			(986)	(1,944)	(1,094)	(4,024)
Ջուտ հաշվեկշռային արժեք						
Մնացորդն առ 31.12.2023թ.	-	-	6,889	503	97	7,489
Մնացորդն առ 31.12.2024թ.	-	-	6,014	354	280	6,648

10. Դեբիտորական պարտքեր

Հազար դրամ	2024թ.	2023թ.
Տրված փոխառություն	18,308	18,308
Տրված կանխավճարներ	6,122	1,089
Դեբիտորական պարտքեր աշխատակիցներին	375	-
Դեբիտորական պարտքեր բյուջե	17	-
Ընդամենը դրամական միջոցներ	24,822	19,397

11. Դրամական միջոցներ և դրանց համարժեքներ

Հազար դրամ	2024թ.	2023թ.
Դրամային հաշիվ	6,559	15,978
Արտարժույթային հաշիվ*	90,811	137,375
Ընդամենը դրամական միջոցներ	97,370	153,353

12. Ակտիվներին վերաբերվող շնորհներ

Հազար դրամ	2024թ.	2023թ.
Տարեսկզբի մնացորդ	19,513	12,605
Ավելացում		11,302
Եկամուտ ճանաչված	(1,264)	(4,394)
Վերադասակարգված		-
Տարեվերջի մնացորդ	18,249	19,513

Եկամուտներին վերաբերվող շնորհներ

Հազար դրամ	2024թ.	2023թ.
Տարեսկզբի մնացորդ	153,353	43,019
Ավելացում	250,944	302,748
Եկամուտ ճանաչված	(306,927)	(192,414)
Վերադասակարգված		-
Տարեվերջի մնացորդ	97,370	153,353

13. Առևտրային և այլ կրեդիտորական պարտքեր

Հազար դրամ	2024թ.	2023թ.
Առևտրային կրեդիտորական պարտքեր	389	301
Պետական բյուջեին կրեդիտորական պարտքեր	2,230	16,127
Աշխատակիցների չօգտագործված արձակուրդային վճ. պահուստ	7,094	1,025
	9,713	17,453

14. Կապակցված կողմեր

Համաձայն «Փոխկապակցված կողմերի բացահայտում» ՀՀՄՍ 24-ի՝ կողմերը համարվում են փոխկապակցված, եթե մի կողմը հնարավորություն ունի վերահսկել մյուս կողմին կամ էական ազդեցություն ունենալ մյուս կողմի ֆինանսական և գործառնական որոշումների կայացման վրա: Սույն ֆինանսական հաշվետվությունների տեսանկյունից, փոխկապակցված կողմերը ներառում են Հիմնադրամի ղեկավարության անդամներին և նրանց հետ փոխկապակցված անձանց, ինչպես նաև այլ անձանց և կազմակերպություններին, որոնք փոխկապակցված են կամ համապատասխանորեն վերահսկվում են նրանց կողմից:

Հիմնադրամի հետ կապակցված կողմ է հանդիսանում

- Տնօրեն Գրիգոր Պետեանը

ա) Գործարքներ կապակցված կողմերի հետ

Հաշվետու տարում Հիմնադրամն իր փոխկապակցված կողմերի հետ գործարքներ չի իրականացրել:

բ) Գործարքներ ղեկավարության հետ

Հիմնական ղեկավար անձնակազմը ժամանակաշրջանի ընթացքում ստացել է հետևյալ վարձատրությունը, որը ներառված է «Հատուցումներ աշխատակիցներին» հոդվածում

Հազար դրամ	2024թ.	2023թ.
Աշխատավարձ և պարգևատրումներ	1,248	2,952

15. Կարևոր հաշվապահական գնահատումներ և ենթադրություններ

Հիմնադրամն իրականացնում է ապագային վերաբերվող գնահատումներ և ենթադրություններ: Այդ հաշվապահական գնահատականները կարող են չհամապատասխանել իրական արդյունքներին: Ստորև ներկայացված են այն գնահատումներն ու ենթադրությունները, որոնց գծով առկա ռիսկ, որ հաջորդ ֆինանսական տարում ակտիվների ու պարտավորությունների հաշվեկշռային արժեքները կենթարկվեն էական ճշգրտումների:

Անընդհատության սկզբունք

Հիմնադրամն իրականացնում է մշտական վերահսկողություն և կառավարում: Հիմնադրամի ղեկավարությունն ունի հիմնավորված ակնկալիք, որ կարող է շարունակել իր գործունեությունը տեսանելի ապագայում: Ուստի Հիմնադրամը շարունակում է որդեգրել անընդհատության սկզբունքն իր ֆինանսական հաշվետվությունների պատրաստման նպատակով:

Հիմնական միջոցների օգտակար ծառայության ժամկետ

Հիմնական միջոցների օգտակար ծառայության ժամկետները հիմնված են ղեկավարության գնահատականների վրա և կարող են հետագայում փոփոխվել: Յուրաքանչյուր հաշվետու ամսաթվի դրությամբ Հիմնադրամի ղեկավարությունը վերանայում և անհրաժեշտության դեպքում փոփոխում է հիմնական միջոցների մնացորդային օգտակար ծառայության ժամկետների վերաբերյալ գնահատումները:

16. Ֆինանսական գործիքներ

Ֆինանսական ակտիվի և ֆինանսական պարտավորության յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են ստորև:

(ա) Հիմնական ֆինանսական գործիքներ

Հիմնադրամի հիմնական ֆինանսական գործիքները, որոնցից առաջանում են ֆինանսական գործիքների ռիսկեր, ներկայացված են ստորև.

- Դրամական միջոցներ և դրանց համարժեքներ,

(բ) Ֆինանսական գործիքներ ըստ դասերի

Ֆինանսական հաշվետվություններում ներկայացված մնացորդները վերաբերում են ակտիվների և պարտավորությունների հետևյալ խմբերին.

Ֆինանսական ակտիվներ

Հազար դրամ	2024թ.	2023թ.
Ֆինանսական ակտիվներ՝ չափվող իրական արժեքով՝ շահույթի կամ վնասի միջոցով		
Դրամական միջոցներ	97,370	153,353
Ընդամենը ֆինանսական ակտիվներ	97,370	153,353

Ֆինանսական պարտավորություններ		
Հազար դրամ	2024թ.	2023թ.
Ամորտիզացված արժեքով պահվող ֆինանսական պարտավորություններ		
Առևտրային և այլ կրեդիտորական պարտքեր	9,713	17,453
Ընդամենը ֆինանսական պարտավորություններ	9,713	17,453

(գ) Իրական արժեքով չհավվող ֆինանսական գործիքներ

Իրական արժեքով չհավվող ֆինանսական գործիքները ներառում են՝ դրամական միջոցները և դրանց համարժեքները, առևտրային դեբիտորական պարտքերը, առևտրային և այլ կրեդիտորական պարտքերը: Դրամական միջոցների և դրանց համարժեքների, առևտրային դեբիտորական պարտքերի, առևտրային և այլ կրեդիտորական պարտքերի հաշվեկշռային արժեքը մոտարկում է իրական արժեքին դրանց կարճաժամկետ բնույթի հետևանքով:

17. Ֆինանսական ռիսկի կառավարման ուղղություններ

Ֆինանսական գործիքների հետ կապված Հիմնադրամը ենթարկվում է զանազան ռիսկերի:

Այս ռիսկերն են շուկայական ռիսկը, պարտքային ռիսկը, իրացվելիության ռիսկը:

Ֆինանսական ռիսկի գործոնները

Պարտքային ռիսկ

Պարտքային ռիսկը ֆինանսական վնասների ռիսկն է՝ պայմանավորված հաճախորդի կամ ֆինանսական գործիքի կողմերի պայմանագրային պարտականությունների չկատարմամբ: Հիմնադրամը ենթարկվում է Պարտքային ռիսկի, որը հիմնականում առաջանում է դրամական միջոցների և դրանց համարժեքների, բանկերում տեղաբաշխված ավանդների գծով: Հիմնադրամի համար ընդունելի են միայն բարձր վարկանիշ ունեցող տեղական բանկերը:

Առևտրային և այլ դեբիտորական պարտքերի վերաբերյալ բացահայտումները, որոնք ո՛չ ժամկետանց են, ո՛չ էլ արժեզրկված, ներկայացված են:

Պարտքային ռիսկի առավելագույն ազդեցությունը ներկայացված է հետևյալ ֆինանսական ակտիվների հաշվեկշռային արժեքներով:

Հազար դրամ	2024թ.	2023թ.
Ակտիվներ՝		
Մնացորդներ բանկերում	97,370	153,353
Ընդամենը ֆինանսական ակտիվներ	97,370	153,353

Դրամական միջոցներ և դրանց համարժեքներ

2024թվականի դեկտեմբերի 31-ի դրությամբ, Հիմնադրամի բանկային հաշիվների մնացորդները կազմում են 97,370 հազ. դրամ, ինչը ներկայացնում է առավելագույն ենթարկվածությունը պարտքային ռիսկին, այս ակտիվների հետ կապված: Բանկային հաշիվներում մնացորդների մասով պարտքային ռիսկն ընդունելի է քանի որ պայմանագրային գործընկերը հեղինակավոր բանկ է՝ բարձր վարկանիշով:

Հիմնադրամի գնահատմամբ բանկային հաշիվների մնացորդների գծով արժեզրկումից կորուստ չի ճանաչվել, ինչը հիմնականում պայմանավորված է վերջինիս կարճաժամկետ բնույթով:

Շուկայական ռիսկ

Ֆինանսական գործիքների օգտագործման ընթացքում Հիմնադրամը ենթարկվում է շուկայական ռիսկի, հատկապես արտարժույթային ռիսկի:

Արտարժույթային ռիսկ

Հիմնադրամը նվիրատվություններ և դրամաշնորհներ է ստանում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը:

Հիմնադրամի գործարքներն իրականացվում են հայկական դրամով:

Արտարժույթի փոխարժեքային տատանումներից կախվածությունն առաջանում է Հիմնադրամի արտերկրյա նվիրատվություններից, որոնք ի սկզբանե արտահայտված են ԱՄՆ դոլարով: Արտարժույթով արտահայտված ֆինանսական ակտիվներն ու պարտավորությունները, որոնք Հիմնադրամը ենթարկում են արտարժույթային ռիսկի, նկարագրված են ստորև:

Արտացոլված գումարներն արտահայտված են հայկական դրամով՝ հաշվետու ժամանակաշրջանի վերջի ամսաթվի փոխարժեքով.

Հոդված

ԱՄՆ դոլար	2024թ. դեկտեմբերի 31-ի դրությամբ	2023թ. դեկտեմբերի 31-ի դրությամբ
	հազ. դրամ	հազ. դրամ
Ֆինանսական ակտիվներ		
Մնացորդներ դրամարկղում և բանկերում	228,998	339,374
Առևտրային և այլ կրեդիտորական պարտքեր	228,998	339,374
Զուտ արդյունք	228,998	339,374

Ստորև բերված աղյուսակում ներկայացված է Ընկերության զգայունությունը՝ ԱՄՆ դոլարի նկատմամբ դրամի 10% (2023թ.՝ 10%) աճին/նվազմանը: 10%-ը (2023թ.՝ 10%) ղեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում է դրանց փոխարկումը՝ փոփոխելով փոխարժեքը 10%-ով (2023թ.՝ 10%):

Դրամի արժեզրկումը ԱՄՆ դոլարի նկատմամբ 10%-ով (2023թ.՝ 10%) կունենա հետևյալ ազդեցությունը.

ԱՄՆ դոլարի ազդեցություն

	2024թ. դեկտեմբերի 31-ի դրությամբ հազ. դրամ	2023թ. դեկտեմբերի 31-ի դրությամբ հազ. դրամ
Շահույթ կամ վնաս	22,899	33,937
	22,899	33,937

Իրացվելիության ռիսկ

Իրացվելիության ռիսկն առաջանում է Հիմնադրամի գործող սեփական միջոցների կառավարումից, ֆինանսական վճարներից և պարտքային գործիքների հիմնական գումարների մարումներից: Իրացվելիության ռիսկը կապված է Հիմնադրամի՝ ֆինանսական պարտավորությունները սահմանված ժամկետներում մարելու հետ կապված դժվարությունների հետ:

Համաձայն Հիմնադրամի քաղաքականության՝ Հիմնադրամը պետք է ունենա պարտավորությունների մարման համար բավարար դրամական միջոցներ: Այս առումով այն ձգտում է պահպանել բավարար դրամական միջոցներ (կամ համաձայնեցված միջոցներ), որպեսզի ողջամիտ ժամկետում կարողանա մարել սահմանված պարտավորությունները:

18. Պայմանական պարտավորություններ

Ֆինանսական երաշխիքներ

Հիմնադրամը հաշվետու ամսաթվի դրությամբ ֆինանսական երաշխիքներ չի ունեցել :

Ապահովագրություն

Հայաստանի Հանրապետությունում ապահովագրական համակարգը զարգացման փուլում է, և ապահովագրության շատ տեսակներ, որոնք լայնորեն տարածված են մյուս երկրներում, դեռ չեն կիրառվում Հայաստանում:

Իրավական պարտավորություններ

2024թ. դեկտեմբերի 31-ի դրությամբ, ինչպես նաև մինչև այս ֆինանսական հաշվետվությունների հաստատման ամսաթիվը Հիմնադրամը ներգրավված չէ այնպիսի դատական վարույթներում, որոնք կարող են էական ազդեցություն ունենալ Հիմնադրամի ֆինանսական վիճակի վրա:

Հարկային պարտավորություններ

Հայաստանի հարկային համակարգը, լինելով համեմատաբար նոր, բնորոշվում է օրենսդրության, պաշտոնական պարզաբանումների և դատական որոշումների հաճախակի փոփոխություններով, որոնք երբեմն հստակ չեն, հակասական են, ինչը ենթադրում է տարբեր մեկնաբանություններ: Հարկերը ենթակա են ստուգման և ուսումնասիրության հարկային մարմինների կողմից, որոնք իրավասու են սահմանել տույժեր և տուգանքներ: Հարկային օրենսդրության խախտման դեպքում հարկային մարմիններն իրավասու չեն առաջադրել հարկերի գծով լրացուցիչ պարտավորություններ, տույժեր կամ տուգանքներ, եթե խախտման ամսաթվից անցել է երեք տարի:

Հաշվետու ժամանակաշրջանից հետո տեղի ունեցող դեպքեր

Հաշվետու ժամանակաշրջանից հետո տեղի ունեցած դեպքերն էական չեն, դրանք չեն կարող ազդել ֆինանսական հաշվետվությունների հիման վրա օգտագործողների կայացրած տնտեսական որոշումների վրա:

Ռազմական գործողություններ Ռուսաստանի Դաշնության և Ուկրաինայի միջև

2022թ. փետրվարի 24-ին Ռուսաստանը ռազմական գործողություններ սկսեց Ուկրաինայի դեմ: Ռուսաստանին դիմագրավելու նպատակով ԵՄ-ն, ԱՄՆ-ը և աշխարհի շատ երկրներ տնտեսական և քաղաքական պատժամիջոցներ են հայտարարել և կիրառում, որի արդյունքում Ռուսաստանի տնտեսությունը նշանակալի խնդիրների առաջ է հայտնվել: Ներկայումս պատերազմի ընթացքը և պատժամիջոցների ազդեցության հետևանքների ծավալը անկանխատեսելի են:

Հաշվի առնելով Հայաստանի տնտեսության և ներդրումային դաշտի համար Ռուսաստանի քաղաքական և տնտեսական ազդեցությունը, ինչպես նաև այն, որ Հայաստանը ԵԱՏՄ կառույցի անդամ է, ստեղծված իրավիճակն անուղղակիորեն կարող է ազդել Հայաստանի ֆինանսական և տնտեսական համակարգերի կայունության վրա:

Մինչև այժմ շարունակվող գործողությունները հսկայական ազդեցություն ունեն ամբողջ աշխարհի ֆինանսական և ներդրումային դաշտի վրա, մասնավորապես՝ արտարժույթային փոխարժեքների տատանումները և ստեղծված անորոշությունը կարող է ազդեցություն ունենալ Հիմնադրամի ֆինանսական ակտիվների և պարտավորությունների վրա:

Հաշվի առնելով նշված հանգամանքների և նրանց ազդեցության անկանխատեսելիությունը՝ Հիմնադրամն այս պահին դժվարանում է գնահատել վերջինիս ազդեցությունն իր հետագա գործունեության արդյունքների, ֆինանսական վիճակի և իրացվելիության վրա:

Պատերազմական գործողություններ Հայաստանի Հանրապետության սահմանին

2022թ. սեպտեմբերի 13-ին Ադրբեջանը սկսեց լայնածավալ մարտական գործողություններ Հայաստանի Հանրապետության սուվերեն տարածքի ուղղությամբ: Սեպտեմբերի 16-ին ժամանակավոր հրադադար հայտարարելուց հետո պարբերաբար տեղի են ունենում հարձակումներ: Բանակցային գործընթացներն ընթացքի մեջ են, և Հիմնադրամն այս պահին դժվարանում է գնահատել վերջինիս ազդեցությունն իր հետագա գործունեության արդյունքների, ֆինանսական վիճակի և իրացվելիության վրա: